



Yule Mjumbe
William Marion Branham

Yule Njumbe Wa

Wakati Wa Kanisa La Laodikia

Ufunuo 3:14-22

Na kwa malaika wa kanisa lililoko Laodikia andika; Haya ndiyo anenayo yeye aliye Amina, Shahidi aliye Mwaminifu na wa Kweli, Mwanzo wa Kuumba kwa Mungu,

Nayajua matendo yako, ya kuwa hu baridi wala hu moto:
Ingekuwa heri kama ungekuwa baridi au moto.

Basi kwa sababu una uvuguvugu, wala hu baridi wala moto,
nitakutapika utoke katika kinywa Changu.

Kwa kuwa wasema, Mimi ni tajiri, nimetajirika, wala sina
haja ya kitu; nawe hujui ya kuwa wewe u mnyonge, na mweye
mashaka, na maskini, na kipoju, na uchi:

Nakupa Shauri ununue Kwangu dhahabu iliyosafishwa kwa
moto, upate kuwa tajiri; na mavazi meupe upate kucaa, aibu ya
uchi wako isionekane; na kawa ya macho ya kujipaka macho
yako, upate kuona.

Wote niwapendao Mimi nawakemea, na kuwarudi: basi uwe
na bidii, ukatubu.

Tazama, nasimama mlangoni nabisha, mtu akiisikia sauti
yangu, na kufungua mlango, nitaingia kwake, nami nitakula
pamoja naye, na yeye pamoja nami.

Yeye ashindaye nitampa kuketi pamoja nami katika kiti
Changu cha enzi, kama mimi nilivyoshinda nikaketi pamoja na
Baba Yangu katika kiti Chake cha enzi.

Yeye aliye na sikio, na alisikie neno hili ambalo Roho
ayaambia makanisa.

Yule Mjumbe

Nina mashaka sana kama kuna wakati wo wote uliomjua mjumbe gani aliyekuwa ametumwa na Mungu kwake, isipokuwa katika wakati wa kwanza Paulo alipokuwa mjumbe. Na hata mnamo wakati huo wengi hawakumtambua alikuwa nani.

Sasa wakati tunamoishi utakuwa mfupi sana. Mambo yatapita upesi sana. Kwa hivyo mjumbe wa Wakati huu wa Laodikia hana budi kuwa hapa sasa, ingawa pengine hatumjui bado. Lakini lazima kuwe na wakati ambapo itabidi ajulikane. Sasa naweza kuthibitisha haya kwa sababu tunayo Maandiko ambayo yaeleza huduma yake.

Kwanza, mjumbe huyo atakuwa nabii. Atakuwa na daraja ya unabii. Atakuwa na huduma ya unabii. Hii itakuwa na msingi wake imara katika Neno kwa sababu anapotabiri au anapoona ono, sikuzote “litaambatana na Neno” na SIKUZOTE litatokea. Atathibitishwa kuwa nabii kwa ajili ya usahihi wake. Uthibitisho kuwa yeche ni nabii umo katika Ufunuo 10:7, “Isipokuwa katika siku za sauti ya malaika wa saba atakapokuwa tayari kupiga baragumu; hapo ndipo siri ya Mungu itakwisha kutimizwa, kama alivyowaambia watumishi Wake hao manabii.” Sasa mtu huyu, ambaye katika mstari huu anaitwa “malaika” katika Biblia ya Kiingereza ya King James SI kiumbe cha mbinguni. Malaika wa sita mpiga baragumu, ambaye ni kiumbe cha mbinguni, yumo katika Ufunuo 9:13, na wa saba katika mpango ule ule yumo katika Ufunuo 11:15. Huyu hapa katika Ufunuo 10:7 ni mjumbe wa wakati wa saba na ni binadamu, naye ataleta ujumbe kutoka kwa Mungu, na ujumbe wake na huduma yake vitamaliza siri ya Mungu kama iliyotangazwa kwa watumishi Wake, manabii. Mungu atamhesabu mjumbe huyu wa mwisho kama nabii KWA SABABU YU NABII. Hivyo ndivyo Paulo alivyokuwa katika wakati wa kwanza, na wakati wa mwisho nao unaye, nabii pia. Amosi 3:6-7, “Je, tarumbeta itapigwa mjini watu wasiogope? Mji utapatikana na hali mbaya, asiyoileta Bwana? Hakika Bwana hatafanya neno lo lote, bila kuwafunulia watumishi Wake manabii siri Yake.”

Ilikuwa katika muda wa mwisho ndipo ngurumo saba za Yesu zilipokuja. Ufunuo 10:3-4, “Naye akalia kwa sauti kuu kama simba angurumavyo, na alipolia, zile ngurumo saba zikatoa sauti zao. Hata ngurumo saba zilipotoa sauti zao, nalikuwa tayari kuandika. Nami nalisikia sauti kutoka mbinguni ikitisema, Yatie muhuri maneno hayo yaliyonenwa na hizo ngurumu saba, usiyaandike.” Yaliyokuwa katika ngurumo hizo hakuna ajuaye. Lakini inatupasa kuyajua. Na itahitaji nabii kupata ufunuo huo kwa kuwa Mungu hana njia nyingine ya kutolea ufunuo Wake wa Maandiko isipokuwa kwa njia ya nabii. Neno sikuzote limekuja kwa njia ya nabii na sikuzote litakuja hivyo. Kwamba hii ndiyo sheria ya Mungu ni dhahiri hata kwa

uchunguzi wa juu juu tu wa Maandiko. Mungu asiyebadilika mwenye njia zisizobadilika kwa hakika daima alipeleka nabii Wake katika kila wakati ambako watu walikuwa wamepotoka kutoka katika njia Takatifu. Huku wanathiologia pamoja na watu wakiwa wameliacha Neno, Mungu siku zote ametuma mjumbe Wake kwa watu hawa (lakini mbali na hawa wanatheologia) ili asahihishe mafundisho ya uongo na kuwarudisha watu kwa Mungu.

Hivyo basi twamwona mjumbe wa wakati wa saba akija, naye ni nabii.

Si kwamba tu twamwona mjumbe huyu akija hapa katika Ufunuo 10:7, lakini twaona kuwa Neno lamtaja Eliya akija kabla Yesu hajarudi. Katika Mathayo 17:10, “Wanafunzi Wake wakamwuliza, wakisema, Basi kwa nini waandishi hunena ya kwamba imempasa Eliya kuja kwanza?” Na Yesu akasema, “Kweli Eliya yuaja kwanza, naye atatengeneza yote.” Kabla ya kuja kwa Bwana wetu, Eliya lazima arudi kwa kazi ya matengenezo katika kanisa. Hivyo ndivyo Malaki 4:5 asemavyo, “Angalieni, nitawapelekea Eliya nabii, kabla haijaja siku ile ya Bwana, ilio kuu na ya kuogofya. Naye ataigeuza miyo ya baba iwaelekee watoto wao, na miyo ya watoto iwaelekee baba zao, ili nisije nikaipiga dunia kwa laana.” Hakuna shaka hata kidogo kwamba Eliya lazima arudi kabla ya kuja kwa Yesu. Ana kazi maalum ya kukamilisha. Kazi hiyo ni ile sehemu ya Malaki 4:6 ambayo yasema “ataigeuza miyo ya watoto iwaelekee baba zao.” Sababu ya kuja kuwa hii ni kazi yake maalum kufanya wakati huo ni kwa kuwa ameshakamilisha ile sehemu isemayo “ataigeuza miyo ya baba iwaelekee watoto wao,” wakati kazi ya Eliya ilipokuwa hapa katika Yohana Mbatizaji. Luka 1:17, “Naye atatangulia mbele zake katika Roho ya Eliya, na nguvu zake, ili kuigeuza miyo ya baba iwaelekee watoto, na kuwatilia waasi akili za wenye haki, na kumwekeea Bwana tayari watu waliotengenezwa.” Katika kazi za Yohana “miyo ya baba iligeuzwa iwaelekee watoto.” Tunajua hayo kwa sababu Yesu alisema hivyo. Lakini haisemi kuwa miyo ya watoto iligeuzwa kuwaelekea baba. Hiyo bado haijatendeka. Miyo ya watoto wa siku ya mwisho itageuzwa iwaelekee baba wa Pentekoste. Yohana aliwatayarisha baba kwa Yesu kuwakaribisha watoto zizini mwake. Sasa nabii huyu ambaye Roho ya Eliya itamshukia atawatayarisha watoto ili kumkaribisha Yesu.

Yesu alimwita Yohana Mbatizaji, Eliya. Mathayo 17:12 “Ila nawaambia, ya kwamba Eliya amekwisha kuja, wasimtambue, lakini wakamtenda yote waliyotaka.” Sababu ya kumwita Yohana, Eliya, ni kwa kuwa Roho ile ile iliyomjia Eliya ilikuwa imemjia Yohana, kama vile Roho ile ilivyomjia Elisha baada ya enzi ya Mfalme Ahab. Sasa kwa mara nyingine tena hiyo Roho itamjia mtu mwingine kabla tu ya kuja kwa Yesu. Atakuwa nabii. Atathibitishwa hivyo na Mungu. Kwa kuwa Yesu, Mwenyewe, katika mwili, hatakuwa hapa kumthibitisha, (kama

alivyofanya kwa Yohana) itafanywa na Roho Mtakatifu hivi kwamba huduma hii ya nabii huyu itaambatana na madhihirisho makuu na ya ajabu. Kama nabii, kila ufunuo utadhihirishwa, kwa sababu kila ufunuo utatokea. Matendo ya za ajabu yatafanyika kwa amri zake katika imani. Halafu kutaletwa ujumbe ambao Mungu amempa katika Neno ili kuwarudisha watu katika kweli na mamlaka ya kweli ya Mungu. Baadhi yao watasikiliza, lakini wengi wao watafanya kama kawaida na kumkataa.

Kwa kuwa huyu mjambe nabii wa Ufunuo 10:7 atakuwa ni yule yule wa Malaki 4:5—6 basi atakuwa kama Eliya na Yohana. Wote wawili walikuwa watu waliotengwa na mawazo ya dini ya siku zao. Wote wawili walikuwa watu wa nyikani. Wote wawili walitenda kazi tu walipokuwa na “Bwana Asema Hivi,” moja kwa moja toka kwa Mungu mwenyewe kwa njia ya Ufunuo. Wote wawili walishambulia taratibu za dini na viongozi wa nyakati zao. Lakini haikuwa hivyo tu, pia walishambulia wote waliopotoka au wangewapotosha wengine. Pia angalia, wote wawili walitabiri sana dhidi ya wanawake wenye mienendo mibaya na njia zao. Eliya alipaza sauti dhidi ya Yezebeli, na Yohana alimkemea Herodia, mke wa Filipo.

Ijapokuwa hatapendwa na watu wengi, atashuhudiwa na Mungu. Kama vile Yesu alivyomthibitisha Yohana, na Roho Mtakatifu alivyomthibitisha Yesu, vivyo hivyo twaweza kutumaini kabisa kwamba mtu huyu kwanza atathibitishwa na Roho ikifanya kazi katika maisha yake katika matendo ya nguvu yasiyowenza kukanushwa na yasiyonekana mahali pengine po pote; na Yesu Mwenyewe, atakaporudi, atamthibitisha, hata kama alivyomthibitisha Yohana. Yohana alishuhudia kuwa Yesu alikuwa anakuja,—vivyo hivyo mtu huyu, kama Yohana, atashuhudia kuwa Yesu anakuja. Na kule kurudi Kwake Kristo kutathibitisha kweli kuwa bila shaka mtu huyu alikuwa mtangulizwa kuja Kwake kwa pili. Hii ndiyo dalili ya mwisho kuwa kweli huyu ni nabii wa Malaki 4, kwa kuwa mwisho wa wakati wa Mtaifa utakuwa Yesu, Mwenyewe, akitokea. Basi itakuwa imechelewa sana kwa wale waliomkataa.

Ili tuweze kufafanua zaidi maelezo yetu ya huyu nabii wa siku za mwisho, hebu tukumbuke vema kwamba nabii wa Mathayo 11:12 alikuwa Yohana Mbatizaji, ambaye ndiye aliyetabiriwa katika Malaki 3:1 “Angalieni, namtuma mjambe Wangi, naye ataitengeneza njia mbele Yangu; naye Bwana mnayemtafuta atalijia hekalu Lake ghafula; naam, yule mjambe wa agano mnayemfurahia, angalieni, anakuja, asema Bwana wa Majeshi.” Mathayo 11:1—12, “Ikawa Yesu alipokwisha kuwaagiza wanafunzi Wake kumi na wawili, alitoka huko kwenda kufundisha na kuhubiri katika miji yao. Naye Yohana aliposikia huko gerezani matendo Yake Kristo, alituma wanafunzi wake, kumwuliza, Wewe ndiwe yule ajaye, au tumtazamie mwininge? Yesu akajibu akawaambia, Nendeni mkamweleze Yohana mnayoyasikia na kuyaona; vipofu

wanapata kuona, viwete wanakwenda, wenyе ukoma wanatakaswa, visiviwanasikia, wafu wanafulufuliwa, na maskini wanahubiriwa Habari Njema. Naye heri awaye yote asiyechukizwa Nami. Na hao walipokwenda zao, Yesu alianza kuwaambia makutano habari za Yohana, Mlitaka kwenda nyikani kutazama nini? Unyasi ukitikiswa na upepo? Lakini mlitoka kwenda kuona nini? Mtu aliyevikwa mavazi mororo? Tazama, watu wavaao mavazi mororo wamo katika nyumba za wafalme. Lakini kwa nini mlitoka? Ni kuona nabii? Naam, nawaambia, na aliye mkuu zaidi ya nabii. Huyo ndiye aliyeandikiwa haya, Tazama, Mimi namtuma mjumbe Wangu mbele ya uso wako, atakayeitengeneza njia yako mbele yako. Amin, nawaambieni, Hajaondokea mtu katika wazao wa wanawake aliye mkuu kuliko Yohana Mbatizaji; walakini aliye mdogo katika ufalme wa mbinguni ni mkuu kuliko yeze." Jambo hili limekwishatendeka. Hili limeshatendeka. Limeshatimia. Lakini sasa angalia katika Malaki 4:1—6, "Kwa maana angalieni, siku ile inakuja, inawaka kama tanuru; na watu wote wenyе kiburi, nao wote watendao uovu, watakuwa makapi; na siku ile inayokuja itawateketeza, asema Bwana wa majeshi; hata haitawaachia shina wala tawi. Lakini kwenu ninyi mnaolicha Jina Langu, Jua a Haki litawazukia, lenye kuponya katika mbawa Za^{ke}; nanyi mtatoka nje, na kucheza-cheza, kama ndama wa mazizini. Nanyi mtawakanyaga waovu; maana watakuwa majivu chini ya nyayo za miguu yenu; katika siku ile niifanyayo, asema Bwana wa majeshi. Ikumbukeni torati ya Musa, mtumishi Wangu, niliyemwamuru huko Horebu kwa ajili ya Israeli wote, naam, amri na hukumu. Angalieni, nitawapelekea Eliya nabii, kabla hajaja siku ile ya Bwana, ilio kuu na ya kuogofya. Naye ataigeuza mioyo ya baba iwaelekee watoto wao, na mioyo ya watoto iwaelekee baba zao, ili nisije nikaipiga dunia kwa laana." Tazama, mara tu baada ya kuja kwa HUYU Eliya, dunia itatakaswa kwa moto na waovu wataungua na kuwa majivu. Bila shaka, jambo hili HALIKUTOKEA wakati wa Yohana (Eliya wa nyakati zake). Roho ya Mungu iliyotabiri kuja kwa mjumbe huyu katika Malaki 3:1 (Yohana) alikuwa akirudia tamko Lake la hapo awali la unabii wa Isaya 40:3 lililotolewa yapata karne tatu hapo mbeleni. "Sikiliza, ni sauti ya mtu aliaye nyikani, Itengenezeni njia ya Bwana, nyosheni jangwani njia kuu kwa Mungu wetu." Sasa Yohana, kwa Roho Mtakatifu, alitaja wote wawili Isaya na Malaki katika Mathayo 3:3, "Kwa sababu huyu ndiye aliyenewa na nabii Isaya, akisema, "Sauti ya mtu aliaye nyikani, Itengenezeni njia ya Bwana, Yonyosheni mapito Yake." Hivyo tunaweza kuona vyema katika Maandiko haya kwamba nabii katika Malaki 3, ambaye alikuwa Yohana, HAKUWA nabii wa Malaki 4, ingawa kwa kweli, wote wawili Yohana na huyu nabii wa hizi siku za mwisho wanaye Roho yule aliyekuwa juu va Eliya.

Sasa mjumbe huyu wa Malaki 4 na Ufunuo 10:7 atafanya vitu viwili. Kwanza: kulingana na Malaki 4 ataigeuza mioyo ya watoto iwaelekee baba. Pili: Atafunua siri za zile ngurumo saba katika Ufunuo 10 ambazo ni funuo zilizomo katika zile muhuri saba. Hizi "kweli za siri" zilizofunuliwa Kiungu ndizo hakika zitakazoigeuza mioyo ya watoto iwaelekee baba wa Kipentekoste. Ni hivyo tu.

Lakini angalia jambo hili pia. Huyu mjumbe wa kinabii atakuwa kama walivyokuwa Eliya na Yohana kwa tabia na matendo yake. Watu wa wakati wa huyu mjumbe wa kinabii watakuwa kama walivyokuwa katika siku za Ahabu, na za Yohana. Na kwa kuwa ni "WATOTO TU" ambao mioyo yao itageuzwa, watoto tu ndio watakaosikiliza. Katika siku za Ahabu wazao wana wa Israeli wa kweli 7,000 tu ndio waliopatikana. Katika siku za Yohana kulikuwa na wachache sana vile vile. Wingi wa watu katika nyakati zote mbili walikuwa katika uasherati wa uzinzi.

Nataka kulinganisha tena mjumbe wa kinabii wa wakati wa Laodikia na Yohana, mjumbe wa kinabii aliyetangulia kuja kwa Yesu kwa kwanza. Watu wa siku za Yohana walimdhania kuwa Masihi. Yohana 1:19-20, "Na huu ndio ushuhuda wake Yohana, Wayahudi walipotuma kwake makuhani na Walawi kutoka Yerusalem ili wamwulize, Wewe u nani? Naye alikiri, wala hakukana, alikiri kwamba, Mimi siye Kristo." Sasa huyu mjumbe wa kinabii wa siku ya mwisho atakuwa na uweza mwingi sana mbele ya Bwana hata kutakuwa na wale watakoomdhani kuwa Bwana Yesu. (Kutakuwa na pepo duniani mwishoni ambaye atawashawishi baadhi yao na kuwafanya waamini haya. Mathayo 24:23—26, "Kwa maana watatokea makristo wa uongo, na manabii wa uongo, nao watatoa ishara kubwa na maajabu; wapate kuwapoteza, kama yamkini, hata walio wateule. Tazama, nimekwisha kuwaonya mbele. Basi wakiwaambia, Yuko jangwani, msitoke; yumo nyumbani, msisadiki." Lakini msisadiki. Yeye si Yesu Kristo. Si Mwana wa Mungu. NI MMOJA WA NDUGU ZETU, NABII, MJUMBE, MTUMISHI WA MUNGU. Hahitaji kupewa heshima zaidi ya ile aliyopata Yohana alipokuwa sauti iliyolia, "Mimi si Yeye, LAKINI ANAKUJA NYUMA YANGU."

Kabla hatujafunga sehemu hii juu ya mjumbe wa Wakati wa Laodikia, ni lazima tufikirie sana mawazo haya mawili. Kwanza, wakati huu utakuwa na mjumbe MMOJA wa kinabii. Ufunuo 10:7, inasema, "Wakati atakapokuwa (umoja) tayari kupiga baragumu." Hakujawa na wakati mmoja ambao Mungu amewapa watu Wake manabii wakubwa wawili wakati mmoja. Alimtoa Henoko (peke yake); alimtoa Nuhu (peke yake); alimtoa Musa (ndiye pekee aliyeokuwa na Neno ijapokuwa wengine walitabiri.); Yohana Mbatizaji alikuja PEKE YAKE. Sasa katika siku hizi za mwisho kutakuwa na NABII (Siyo nabii wa kike—hata ingawa katika wakati huu kuna wanawake wengi zaidi wanaonekana kama kwamba wanatoa ufunuo wa Mungu kuliko wanaume), na Neno lisilokosa lasema kuwa yeye (nabii

wa kiume) atafunua siri kwa watu wa siku za mwisho, na kuigeuza miyo ya watoto iwaelekee baba zao. Kuna wale wanaoamini kuwa watu wa Mungu watakusanyika pamoja kwa njia ya *ufunuo wa pamoja*. Siamini tamshi hilo. Ni makisio yasiyo na msingi mbele ya Ufunuo 10:7. Sasa sikatai kwamba watu watatabiri katika wakati huu wa mwisho na kwamba huduma zao zinaweza na zitakuwa sahihi. Sikatai kwamba kutakuwa na manabii kama ilivyokuwa katika siku za Paulo wakati kulipokuwa na “mmoja wao, Agabo, nabii aliyetabiri juu ya njaa.” Nakubali ndivyo ilivyo. LAKINI NAKATAA JUU YA USHAHIDI USIOKANUSHWA WA NENO KWAMBA KUNA ZAIDI YA MJUMBE MMOJA WA KINABII AMBAYE ATAFUNUA SIRI KAMA ZILIVYO KATIKA NENO, NA ALIYE NA HUDUMA YA KUGEUZA MIOYO YA WATOTO IWAELEKEE BABA ZAO. “Bwana Asema Hivi” kwa Neno Lake lisiloshindwa, na litaendelea kuwa hivyo na kuthibitishwa. Kuna mjambe mmoja wa kinabii katika wakati huu. Kwa kufuata matendo ya watu peke yake, mtu ye yote anajua kwamba ambapo pana watu wengi pia kuna mawazo mbalimbali juu ya mambo madogo madogo ya fundisho kubwa ambalo wote wanashikilia. Basi ni nani atakayekuwa na nguvu zisizo na makosa zitakazorudishwa katika wakati huu wa mwisho, kwa kuwa wakati huu wa mwisho utarudi kudhihirishwa Bibi-arusi Safi wa Neno? Hiyo ina maana kwamba tutakuwa na Neno mara nyiningine tena kama lilivyotolewa kikamilifu, na kueleweka vyema sana katika siku za Paulo. Nitakuambieni atakayelipata. Atakuwa nabii aliyethibitishwa vyema kabisa, hata kuthibitishwa zaidi ya nabii ye yote katika nyakati zote tangu Henoko mpaka siku ya leo, kwa kuwa mtu huyu atapaswa kuwa na huduma ya kinabii ya jiwe la kufunika juu kabisa, na Mungu atamwonyesha waziwazi. Hatahitaji kujitangaza, Mungu atamsemeara kwa sauti ya ishara. Amina.

Wazo la pili ambalo ni lazima litiliwe nguvu katika miyo yetu ni kwamba zile nyakati saba za kanisa zilianza kwa roho ya upinga Kristo, pia na Roho Mtakatifu aliye mtukufu hata milele. 1 Yohana 4:1 “Wapenzi, msiamini ni kila roho, bali zijaribuni hizo roho, kwamba zimetokana na Mungu; kwa sababu manabii wa uongo wengi wametokea duniani.” Mlitambua hayo? Roho ya mpinga Kristo inahesabiwa pamoja na *manabii* wa uongo. Nyakati zilianza kwa manabii wa uongo na zitatoweka kwa manabii wa uongo. Sasa kweli kutakuwa na NABII WA UONGO mfano wa mtu aliyetajwa katika Ufunuo. Lakini kwa wakati huu kabla ya ufunuo wake kutakuwa na manabii wengi wa uongo. Mathayo 24:23–26, “Wakati huo mtu akiwaambia, Tazama, Kristo yupo hapa, au yuko kule, msimsadiki. Kwa maana watatokea makristo wa uongo, na manabii wa uongo, nao watatoa ishara kubwa na maajabu; wapate kuwapoteza, kama yamkini, hata walio wateule. Tazama, nimekwisha kuwaonya mbele. Basi wakiwaambia, Yuko jangwani, msitoke; yumo nyumbani, msisadiki.” Hawa manabii wa uongo wametajwa

kwetu katika Maandiko mengine mbalimbali kama yafuatayo. 2 Petro 2:1—2, “Lakini kuliondokea manabii wa uongo mionganoni mwa watu, kama vile kwenu kutakavyokuwako waalimu wa uongo, watakaoingiza kwa werevu uzushi wa kupoteza, wakimkana hata Bwana aliyewanunua, wakijiletea uharibifu usiokawia. Na wengi watafuata ujisadi wao; na kwa hao njia ya kweli itatukanwa.” 2 Timotheo 4:3-4, “Maana utakuja wakati watakapoyakataa mafundisho yenze uzima; ila kwa kuzifuta nia zao wenye we watajipatia waalimu makundi makundi; kwa kuwa wana masikio ya utafiti; nao watajiepusha wasisikie yaliyo kweli, na kuzigeukia hadithi za uongo.” 1 Timotheo 4:1, “Basi Roho anena waziwazi ya kwamba nyakati za mwisho wengine watajitenga na imani, wakisikiliza roho zidanganyazo, na mafundisho ya mashetani.” Sasa katika kila hali uteona kuwa nabii wa uongo ni yule aliye nje ya Neno. Kama tu tulivyokuonyesheni kuwa “kupinga Kristo” maana yake ni “kupinga Neno” kwa hivyo hawa manabii wa uongo waja wakipotosha Neno, wakilipa maana ambayo inalingana na shabaha yao ya kishetani. Umewahi kuona jinsi watu ambao huwapoteza wengine wanavyowagandamiza sana kwa wenye we kwanjia ya kuwaogofya? Wanasema kwamba iwapo watu hawafanyi wanayosema, au kama wakiンドoka, basi maangamizi yatawapata. Hawa ni manabii wa uwongo, kwa kuwa nabii wa kweli siku zote atamwongoza mtu kwenye Neno na kuwakusanya watu kwa Yesu Kristo, na hatawaambia watu kumwogopa au yale asemayo, bali kuogopa yale Neno lisemayo. Angalia jinsi hawa watu kama vile Yuda wanavyotaka pesa. Wanakufanya uuze kila kitu ulicho nacho na uwape wao na mipango yao. Wanatumia wakati mwingi katika kutoa sadaka kuliko katika Neno. Wale wanaojaribu kutumia karama watatumia karama iliyo na kosa ndani yake na baadaye waombe pesa, na kutokujali Neno na kusema kuwa ni la Mungu. Na Watu watawaendea, na kuwasikiliza, na kuwasaidia, na kuwaamini, bila kujuwa kwamba ni njia ya mauti. Naam, nchi imejaa waigaji wa kimwili. Katika siku za mwisho, watajaribu kumwiga yule mjumbe wa kinabii. Wale wana saba wa Seva walijaribu kumwiga Paulo. Simon mchawi alijaribu kumwiga Petro. Kuiga kwao kutakuwa kwa kimwili. Hawataweza kutoa yale nabii wa kweli atoayo. Anaposema ufufuo umekwisha wataondoka wakidai kwamba wana ufunuo mkubwa na ya kwamba yale waliyo nayo watu ni sawa kabisa na eti Mungu atafanya mambo makubwa zaidi na ya kushangaza mionganoni mwa watu. Na watu watadanganyika. Hawa manabii wa uwongo watadai kwamba mjumbe wa siku za mwisho si mwanatheologia, kwa hivyo asisikilizwe. Hawataweza kutoa yale huyo mjumbe awezayo kutoa; hawatathitishwa na Mungu kama vile alivyo yule nabii wa siku za mwisho, lakini kwa maneno yao makubwa-makubwa na uzito wa kufahamika kwao ulimwenguni, watawaonya watu wasimsikilize yule mtu (mjumbe) na watasema yeye anafundisha makosa. Wanafuata mkondo ule ule wa baba zao, Mafarisayo, ambao walikuwa watu wa shetani, kwa kuwa walidai kwamba wote wawili Yohana na Yesu walifundisha makosa.

Sasa kwa nini hawa manabii wa uongo wanampinga nabii wa kweli na kuyavunja sifa mafundisho yake? Kwa kuwa wanazifuata nyayo za babu zao wakati wa siku za Ahab walipopingana na Mikaya. Hao walikuwa mia nne *nao wote walikubaliana; na kwa kuwa wote walisema jambo lile lile, waliwadanganya hao watu.* Lakini nabii MMOJA—mmoja tu—alikuwa sahihi na wengine wote walikosea kwa sababu Mungu alikuwa ametoa ufunuo kwa MMOJA TU.

Jihadharini na manabii wa uwongo, kwa kuwa ni mbwa-mwitu wakali.

Kama bado una mashaka yo yote juu ya jambo hili mwombe Mungu kwa Roho Yake akujaze na kukuongoza, KWA SABABU WALIO WATEULE HAWAWEZI KUDANGANYWA. Umeelewa hayo? Hakuna mtu ye yote awezaye kukudanganya. Paulo hangeweza kumdanganya mteule ye yote, kama angalikuwa amekosea. Na katika Wakati huo wa kwanza wa Efeso, wateule huko hawangedanganya kwa kuwa waliwajaribu mitume na manabii wa uongo na wakawaona kuwa walikuwa waongo kisha wakawafukuzia mbali. Haleluya. Kondoo ZAKE huisikia sauti Yake na kumfuata YEYE. Amina. Naamini hilo.



ILE NGUZO YA MOTO

Ile Nguzo ya Moto juu ya kichwa cha Ndugu Branham ilipigwa picha kule Houston, Texas, katika Januari 1950, na iliandamana naye tangu alipozaliwa mwaka wa 1909. Kwenye ibada ya ubatizo katika Mto Ohio kule Jeffersonville, Indiana, Kiumbe hiki cha kimbunguni kilionekana mbele ya umati wa watu mia kadha, kikimwambia, “Kama Yohana Mbaitaji alivyotangulia kule kuja kwa kwanza kwa Kristo, wewe utatangulia kule Kuja Kwake kwa Pili.”

Ujumbe huu wa Ndugu William Marrion Branham, *Yule Mjumbe* pamoa na *Onyo la Mwishi la Roho*, ultolewa kutoka katika sura moja ya Ule Wakati wa Kanisa la Laodikia katika kitabu chake kiitwacho *Maeleo ya Nyakati Saba za Kanisa*, na kuchapishwa na kusambaswa bure na Urekodishaji wa Sauti ya Mungu. Kilipigwa chapa Agosti, 1988.

Matamshi yaliyomo upande wa nyuma yalitolewa kwenye kitabu hiki.

SWAHILI

Jumbe halisi za Ndugu William Marrion Branham zimerekodiwa katika kanda za sumaku, huku kukiwemo na 1100 zinazopatikana, nazo hutolewa bila kufupishwa. Nyingi za jumbe hizi zimo katika vitabu, vinavyochapishwa bila kufupishwa na *kusambaswa bure*. Kanda, vitabu, sinema, picha, na habari zingine muhimu juu ya hii huduma ya ulimwengu mzima waweza kuzipata ukiwaandikia:

VOICE OF GOD RECORDINGS

P.O. Box 950, Jeffersonville, Indiana 47131 U.S.A.

www.branham.org

Onyo La Mwisho La Roho

Ufunuo 3:22, "Aliye na sikio, na asikie neno hili ambalo Roho ayaambia makanisa."

Hili ni onyo la MWISHO. Hakutakuwa na lingine. Chumba cha kiti cha enzi kimeshatengenezwa. Misingi kumi na miwili imeshawekwa. Barabara za dhahabu zimeshatengenezwa. Milango ya lulu kubwa mno imesimamishwa na kufungwa kwa bawaba. Inasimama kama piramidi, zuri sana na yenyewe utukufu. Viumbe wa kimbunguni walioitayarisha wanaiangalia kwa mshangao, kwa sababu inang'aa na kumetameta kwa utukufu amba si wa kidunia. Kila namna ya uzuri wake inatusimulia hadithi ya wema wa kushangaza na upendo wa Yesu. Ni mji uliotayarishiwa watu walio tayari. Unawangojea tu wenyeji wake, na hivi karibuni watajaa katika baraza zake kwa furaha. Naam, huo ni mwito wa mwisho. *Roho haitanena katika wakati mwininge.* Nyakati zimekwisha.

Lakini Mungu ashukuriwe katika wakati huu. Wakati huu haujaisha. Bado angali anapaza sauti. Na sauti Yake haiko tu katika masikio ya kiroho ya watu kwa Roho Wake, lakini kwa mara nydingine tena nabii yumo nchini. Kwa mara nydingine tena Mungu ataonyesha ukweli kama alivyofanya kwa Paulo. Katika siku za mjumbe wa saba, katika siku za Wakati wa Laodikia, mjumbe wake atafunua siri za Mungu kama alivyofunuliwa Paulo. Atanena, kisha wale waliompokea nabii kwa jina lake mwenyewe, watapokea baraka za matokeo ya kazi za nabii huyo. Na wale wamsikiao watabarikiwa na kuwa sehemu ya huyo Bibi-arusi wa siku za mwisho, amba wametajwa katika Ufunuo 22:17, "Roho na bibi-arusi wasema, Njoo." Punje ya ngano (Ngano ya Bibi-arusi) iliyoanguka ardhini huko Nikea imekuwa lile Neno asili la ile Punje tena. Mungu Asifiwe milele. Naam, msikilize nabii wa Mungu aliyethibitishwa na anayekuja katika wakati huu wa mwisho. Asemayo kutoka kwa Mungu, bibi-arusi atayasema. Roho na nabii na bibi-arusi watakuwa wakisema neno lile lile. Na watakayosema yatakuwa yamekwishasemwa katika Neno. Wanayasema sasa, "Tokeni kati yao, mkatengwe nao." Sauti imekwisha lia. Sauti inaendelea kulia. Sauti hiyo italia kwa muda gani? Hatujui, lakini jambo moja tunalojua ni kwamba haitachukua muda mrefu, kwa maana huu ndio wakati wa mwisho.

Aliye na sikio, asikie hili neno ambalo Roho ayaambia makanisa. Roho amenena. Jua linalochwea liko karibu kufifia katika umilele kwa nyakati za kanisa. Halafu itakuwa imekwisha. Halafu wakati utakuwa umechelewa sana kwa ye yote kuja. Lakini iwapo po pote katika ibada hizi Mungu amezungumza nawe kwa njia ya Roho Wake, na umgeukie hata sasa katika toba ukampe maisha yako apate kukupa uzima wa milele kwa Roho Wake.

“BWANA ASEMA HIVI”

“sauti ya malaika wa saba atakapokuwa”

“mjumbe mmoja wa kinabii wakati huu”

“nguvu ziszo na makosa”

“huduma ya kinabii ya jiwe la kufunika juu kabisa”

“mjumbe nabii wa Ufunuo 10:7”

“yule yule wa Malaki 4:5-6”

“atashuhudiwa na Mungu”

“atathibitshwa na Roho”

“mtangulizi wa kuja Kwake kwa pili”

Copyright notice

All rights reserved. This book may be printed on a home printer for personal use or to be given out, free of charge, as a tool to spread the Gospel of Jesus Christ. This book cannot be sold, reproduced on a large scale, posted on any website other than www.branham.org, stored in a retrieval system, translated into other languages, or used for soliciting funds without the express written permission of Voice Of God Recordings®.

For more information or for other available material, please contact:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org